

Vuk'uzenzele

**JOBS
INSIDE:**

Produced by Government Communications (GCIS)

English/isiNdebele

| UMGwengweni 2019 umGadangiso I



The people's President



ALSO AVAILABLE ON:



@VukuzenzeleNews



Vuk'uzenzele

Websites: www.gcis.gov.za

www.vukuzenzele.gov.za

Email: vukuzenzele@gcis.gov.za

Tel: (+27) 12 473 0353

**FREE
COPY**

Presidential Inauguration Special Edition

Ijima le-YES Lithuthukisa Ilutjha



IJima lezemiSebenzi yokuQatjha kweLutjha (i-YES) linqophe ukusiza isigidi selutjha elingasebenziko ngelemuko lomsebenzi obhadelako esikhathini esimnyaka emithathu.

Lelijima elitlanywe ngu-Mengameli u-Cyril Ramaphosa, linqophe ukulungiselela abantu abatjha imisebenzi nokubaqalelela ngamakghonofundwa athlogekako wesiterhinigi ngomnqopho wokwakhelela isisekelo sokutjhugulula umnotho ukhambisane namabubulo wesikhathi sanje.

I-YES imzamo karhulumende ohlanganyelwe neenhlango zabasebenzi namabubulo onqophe ukulungiselela ilutjha leSewula Afrika ukungena emikha-

kheni yezemisebenzi.

Ukufikela gadesi, i-YES iphumelele ukuvulela ilutjha elingasebenziko amathuba wemisebenzi azii-17 000.

Nawumumuntu omutjha godu ufuna ukuba yingcenyeye ye-YES nakhu ekufuze ukwazi:

Ngiziphi iimfuneko ekufuze ilutjha libe nazo ukulungela ukuba yingcenyeye yehlelo le-YES?

Kufuze ilutjha le-YES libe:

- Nzima, ukuya ngokwehlahlathululo yehlelo lo-kuThuthukiswa kwaba-Nzima ngokoMnotho (i-BEE).
- Hlangana neminyaka eli-18 ukufikela kema-34 (le yihlathululo ngelutjha); godu abesisakhamuzi

seSewula Afrika.

- Ihlelo le-YES akusilo labantu abatjha abafuna ukutjintja umsebenzi, lingelelutjha elingasebenziko kwagadesi.

Ngiziphi iimfuneko ezithogekako nawuzakuba yingcenyeye ye-YES? Angatlolisa umuntu onganazo iziqu zeyunivesithi?

I-YES inqophe loko ilutjha elinzima elingasebenziko leminyaka ehlangana neli-18 ukufikela kema-34 ngokungatjheji izinga le-fundo onalo.

Niyakghona ukusiza ilutjha elihlala eendaweni zemakhaya?

I-YES inqotjhiswe kilo loko ilutjha elinzima leSewula Afrika elingasebenziko nofana lihlala kiyiphi ingcenyeye yelizwe.

Ingabe i-YES inikela iinHlangano eziNgasi ngezikaRhulumende (ama-NGO) namabhizinisi amancani amathuba wesekelo leemali, ama-ofisi nanyana iinsetjenziswa?

I-YES ayinikeli ngesekelo leemali kumabhizinisi nama-NGO kodwana ngo-

kuthuthukisa amakghono nokusiza umuntu omutjha kumabhizinisi wabo babengabatlhogwako. Ngetjhudwelimbi asikghoni ukunikela ngesekelo leemali, i-ofisi nofana iinsetjenziswa nokuthintaniswa nabanye abathintekako.

Ibasiza bunjani i-YES abanini bamabhizinisi abancani? Ingabe niyasekela ngeemali?

Ngetjhudwelimbi i-YES ayinikeli ngesekelo leemali ebantwini abatjha abanerhuluphelo lokuba bosomabhizinisi. Nokho singasiza amabhizinisi amatjha (ama-SMME) ngokubalethela abantu abatjha abanobugchwari nokutlama.

Nginebhizinisi elincani godu ngifisa ukwamukela ilutjha le-YES, kodwana angeze ngikghone ukubabhadela. Ngingazibandakanya bunjani ku-YES?

Ukufakwa eenkhaleni ezisekelwe ngemali kuyingcenyeye yehlelo le-YES. Amakhampalani afikelela inani elinqotjhiweko le-YES angakhethe ukufaka ilutjha kumabhizinisi wabo nofana ku-SMME ebamukelako ngesekelo leemali nga-

phandle kokubhadelisa loyo obathathako. Umuntu omutjha lo uzokusebenza isikhathi esiziinyanga ezili-12 abhadelwa yikhampalani emthetheko.

Ngingazikhethela ilutjha engifuna ukulithatha kubhizinisi lami?

Iye, godu sizokusebenzisa nawe ukukhethe umuntu ofanele ihlangano yakho.

Ingabe umuntu omutjha loyo angasekelwa isikhathi esingaphezu komnyaka?

Awa, ilutjha le-YES lisekelwa isikhathi esimnyaka kwaphela. Nawuqunta ukubaqatjha uzofanelwa kubabhadela.

Selengitlolisile. Kuthoma nini ukuvulelwa amathuba wemisebenzi?

Njenganje sisebujameni bokuvula amathuba wemisebenzi, ekuyinto elikhunyana nethatha isikhathi eside.

Nokho isiqhema sethu sisebenza ngamandla ukufikelela umsebenzethu wokuvulela ilutjha leSewula Afrika elingasebenziko amathuba wemisebenzi asigidi. Nasele sitlame amathuba lawa wemisebenzi, sizokuthoma sifake abantu eenkhandleni. Nawutlolisileko sizokuthintana nawe. **U**

Utlolisa bunjani ukuba lilutjha elisehlelweni le-YES?

Ngena kubunzinzolwazi bethu: www.yes4youth.co.za/youth-registration lapho unqatlolisa njengeLutjha le-YES.